



# Fiqhi ya 'Ibada yenye picha zilizochorwa

Hukumu za Kiislamu zilizowepesishwa


Tohara

Swala

Funga

Zakat

Hijja



Dr . Abdullah Bahmmam

Tarjama

Dr Abdalla Khatib

Marejeo

Sheikh Salim Barhayan  
Ustadh Said Abdu  
Ustadh Ahmed Yasin Mustafa  
Sheikh Said Bawazir

Kutayamamu

# Kutayamamu

## Yaliyomo

Maana ya kutayamamu

Hukumu ya kutayamamu

Dalili za kuwa tayammu kisheria

Hekima ya Sheria kuweka kutayamamu

Lini ilifaradhiswa kutayamamu?

Namana ya kutayamamu

Faradhi za kutayamamu

Vitanguo vya kutayamamu

## Kutayamamu kilugha

Kukikusudia kitu na kukielekea

## Kutayamamu kisheria

Kupukusa uso na mikono miwili kwa ardhi utwaha kwa nia ya kujitwahirisha

## Hukumu ya kutayamamu

Inapasa kutayamamu yakikosekana maji au ikawa haiwezikani kuyatumia kwa jambo linalolazimu utwaha kama vile Swala. na kutayamamu kunapendekezwa katika kufanya jambo linalopendekezwa kama vile kusoma Qur'ani.

## Dalili za kutayamamu kisheria

1. Mwenyezi Mungu ﷻ Anasema: {Mkitopata maji kusudieni ardhi nzuri, mpanguse nyuso zenu na mikono yenu kwa hiyo} [5: 6]
2. Amesema Mtume ﷺ: (Nimepewa mambo matano hakuna aliyepewa kabla yangu: Nimenusuriwa kwa kitisho masafa ya mwezi, nimefanyiwa ardhi kuwa ni mahali pa kuswali na pa kujitwahirisha: kwani yoyote katika umma wangu atakayeingiliwa na kipindi cha Swala na aswali) <sup>(1)</sup>.

## Hekima ya Sheria kuweka kutayamamu

1. Kuwasahilishia umma wa Mtume Muhammad ﷺ
2. Kuepusha madhara yanayosababishwa na utumiaji maji katika hali ya ugonjwa, na\_baridi kali na mfano wa hayo.
3. Kudumisha mafungamano ya ibada yasikatike kwa kukosekana maji, au kutoweza kuyatumia

## Niwakati gani mtu anafaa kutayamamu

### 1. Yanapokosekana maji

Kwa neno lake Mwenyezi Mungu aliyetukuka: {Na mkitopata maji tayamamuni} [5: 6].

Na mtu haambiwi kuwa amekosa maji iwapo hakuyatafuta.

### 2. kushindwa kuyatumia maji

Kama mgonjwa au mkongwe asiyeweza kutembea, na akawa hana wa kumsaidia kutawadha.

(1) Imepokewa na Bukhari.



### 3. Wakati wa kuchelea madhara kwa kutumia maji

Miongoni mwa hayo:

- a. Mgonjwa ambaye angeyatumia maji ugonjwa wake utazidi.
- b. Mtu aliye mahali penye baridi kali na asiwe na kitu cha kupasha maji moto na akawa na yakini lau ataoga atapatikana na ugonjwa. Hii ni kwa hadithi iliyothubutu kuwa **Mtume** ﷺ alimkubalia 'Amr bin al-'Asw alipowaswalisha wenzake hali akiwa ametayamamu kwa sababu ya baridi kali<sup>(1)</sup>.
- c. Awapo mahali mbali na hana maji isipokuwa kidogo ambayo anayahitajia kwa kunywa na hawezi kuleta mengine.

### Namna ya kutayamamu

1. Aupige mchanga kwa mikono yake pigo moja.
2. Kisha aipulize kupunguza vumbi.
3. Kisha apanguse uso wake kwa hiyo mikono mara moja.
4. Kisha apanguse upande wa nje wa wa vitanga vya mikono. Apanguse sehemu ya nje ya kitanga cha mkono wa kulia kwa sehemu ya ndani ya kitanga cha mkono wa kushoto, kisha nje ya kitanga cha mkono wa kushoto kwa sehemu ya

Na dalili ya namna ya kutayamamu ni hadithi ya Ammar ﷺ kwamba **Mtume** ﷺ alipiga ardhi kwa vitanga vyake viwili vya mkono, akavipuliza kisha akapangusa uso wake na vitanga vyake kwavyo<sup>(2)</sup>.

### Faradhi za kutayamamu

1. Kutia nia.
2. Kupangusa uso.
3. Kupangusa vitanga vya mikono.
4. Kufuatanisha: aanze kupangusa uso kisha vitanga viwili vya mikono.
5. Kufululiza: Apanguse mikono miwili baada ya kupangusa uso papo kwa papo.

### Vitanguo vya kutayamamu

1. pakipatikana maji.
2. kutukiwa mojawapo ya vitanguo vya udhu.
3. Kutukiwa na chenye kupasisha kuoga kama kuota.
4. Kuondokewa na udhuru wa kutayamamu uliowekwa na Sheria, kama ugonjwa na mfano wake.



pakipatikana maji

(1) Imepokewa na Abu Daud.

(2) Imepokewa na Bukhari na Muslim.



## Mlango wa Tohara



Aliyekosa mchanga

### Maelezo

1. Kuswali kwa kutayamamu, iwapo haiwezekani kutumia maji, ni bora kuliko mtu kuswali na huku amejizuia mkojo au choo.
2. Inafaa kutayamamu kwenye ukuta au mswala na mfano wa hivyo, iwapo kuna mchanga au vumbi juu yake.
3. Yafaa kwa mwenye kutayamamu kuswali, kwa tayamamu moja, swala atakazo za faradhi na za sunna, iwapo bado hajatangukwa na tayamumu yake.
4. Yafaa kwa mwenye kutawadha kumfuata mwenye kutayamamu, kwa kuwa **Mtume** ﷺ alimkubalia ‘Amr bin al-’Asw ﷺ alipowaswalisha wenzake hali ya kuwa ametayamamu kwa ajili ya baridi kali <sup>(1)</sup>.
5. Mwenye kutayamamu na akaswali, kisha akapata maji kabla ya wakati kutoka, hatairudia ile swala. Abu Said al-Khudri ﷺ amepokewa akisema: (Walitoka watu wawili safarini, wakati wa Swala ukaingia na wao hawana maji, wakakusudia ardhi nzuri wakatayamamu na wakaswli, kisha wakapata maji ndani ya wakati, mmoja wao akarudia swala na udhu, na yule mwingine asirudie. Kisha wakamjia Mtume wa Mwenyezi Mungu ﷺ wakamuelza hayo, akasema kumwambia yule ambaye hakurudia “Umevuta Sunna na Swala yako imekutoshleza” na akmwambia yule aliyetawadha na akarudia “Wewe una thawabu

(1) Imepokewa na Bukhari na Muslim.



### Imethubutu Kielimu

Kwamba mchanga wa ardhi unakusanya kwenye chembechembe zake mada ya kutakasa. Mada hii inaweza kumaliza aina zote za vijidudu, na inaweza kumaliza virusi.



mara mbili”) <sup>(2)</sup>.

6. Mwenye kutayamamu kisha akapata maji kabla ya kuswali au katiwa ya Swala, itamlazimu kujitwahirisha kwa maji, kwa kauli ya Mtume ﷺ: (Hakika ardhi nzuri ni twahirisho kwa Muislamu, hata kama hatapata maji miaka kumi. Atakapopata maji basi ayatumie kwenye ngozi yake ya mwili, kwani hilo ni kheri) <sup>(3)</sup>.
7. Hakuna cha kumfunga Muislamu na Swala wala kuichelewesha wakati wake. Akitoweza kutumia maji au asipoyapata, atatayamamu, akielemeza na kutayamamu pia, basi ataswali bila twahara.
8. Mwenye kukosa vitwahirisho viwili (maji na mchanga) ataswali wakati ukiingia bila ya twahara wala haimlazimu kurudia, kwa kuwa Mwenyezi Mungu Aliyetukuka Amesema: {Mcheni Mwenyezi Mungu mnavyoweza} [64: 16].



(2) Imepokewa na Abu Daud.

(3) Imepokewa na Tirmidhi

## Namna ya kutayamamu



Kupiga mchanga kwa mikono miwili



Kupuliza mikono miwili



Kupangusa uso



Kupangusa mkono wa kulia kwa wa kushoto



Kupangusa mkono wa kushoto kwa wa kulia